



Kreizenn dudi Keav 2026

SUNVEZH 1. 05- 11/07

Lizher d'ar familhoù

Demat deoc'h,

Enskrivet eo ho pugel e Kreizenn-Dudi Keav hag a vo dalc'het eus ar 05 d'an 11 a viz gouere 2026.

31 bugel a vo.

Setu amañ dindan un nebeut traoù da c'houzout evit prientiñ ar c'hamp.

➤ **DEGEMER AR VUGALE / *Accueil des enfants***

Degemeret e vo ar vugale d'al Lun mintin adalek 8e45 er greizenn-dudi.

Gallout a rafec'h dont da gerc'hat anezhe adalek 4e45 goude-merenn nemet m'ho peus leuniet, sinet ha roet dimp ar folenn « aotreañ e vugel da vont kuit e-unan».

Er maez eus ar prantad-se e chom tud ar vugale e-karg eus e vugel nemet e-pad an devezhioù kampiñ. Diwallit mat.

Un emgav gant skipailh ar greizenn dudi ha tud ar vugale a vo d'ar Sul 5/07 da 6e30 noz evit kinnig ar sizhunvezh ha displegañ an aozadur .

Ur prantad diwallerezh vo kinniget d'ar Sul noz tro 9e15 evit ma vefe posupl deoc'h mont d'an emgav stajidi / kelennerien betek tro 9e45 noz.

➤ YEC'HEDONIEZH / *Sanitaire*

A-bouez tre

Ezhomm a vo, devezh kentañ ar c'hamp, un testeni mezegel evit prouiñ eo brec'hiet ho pugel a-enep an DT-Polio. Soñjit kas peurrest paperioù ho pugel d'ar greizenn dudi (kd@keav.bzh) ma n'eo ket bet graet dija.

Ma zo louzoù da reiñ d'ho pugel e vo **ret** deomp kaout ordrenañs ar medisin gante. Arabat leuskel anezhe gant ar bugel e-pad an devezh, met reiñ anezhe deomp an devezh kentañ. Memestra ma vez ezhommoù ispisial gant ho pugel, kelaouit ar rener dioute e-pad an degemer evit ma c'hellfe ar skipailh respont oute. *Ur buhezour a vo e karg eus ar yec'hedoniezh a-hed ar sizhunvezh.*

Ar follenn yec'hed a zo ret da gaout ganeomp. Evit ar-re n'ho deus ket roet anezhi c'hoazh, kasit anezhi devezh kentañ ar c'hamp d'an diwezhatañ. Hepti ne vo ket degemeret ho pugel er c'hamp. **ma n'eo ket bet graet dija.**

➤ TITOUROU ALL / *Autres informations*

Roll an traoù da gas : pajenn da-heul

Kasit ma fell deoc'h binviñ sonerezh, c'hoarioù, levrioù, gwiskamantoù... (gant anv ho pugel warne).

Un tamm arc'hant godell (10€ d'ar muiañ tout) evit prenañ kartennoù post. Ma vev ho pugel e-barzh meur a di, mersi deoc'h da reiñ an eil chomlec'h dezhañ.

Kasit peadra da baeañ peurrest koust ar c'hamp ma n'eo ket bet graet.

Pellgomzer hezoug ebet aotret ! Na c'hoarioù video!

Eurieroù war linenn kennebeut !

➤ KAMPING HA KAYAK / *Camping et kayak*

1. Kampiñ evit ar grennarded

Ar re vrasañ (10-15) a yelo da gampiñ e Lokireg (tachenn gampiñ Rugunay) e-pad daou zevezh ha div nozvezh. Kinniget e vo a bep seurt obererezhioù dezho. Ar vugale a yelo di dimeurzh goude 5 eur gant tud ar Greizenn, sikouret gant tud ar vugale (dre otoioù) hag e distroint d'ar yaou da greisteiz.

2. Kampiñ evit ar vugale

D'ar re vihanañ (6/9) e vo kinniget dezho un nozvezh kampiñ d'ar merc'her gant ur veilhadek e liorz al lise (koan e restaorant al lise). An nozvezh-se a vo, d'ar gwellañ posupl, prientet gant ar vugale.

Staliet (gant ar re vras) ha distaliet e vo an dachenn-gampiñ gant an holl vugale a-benn broudañ an emrenerezh hag ar c'henskoazell. Ar vugale a vo kiriek da brederiañ, fardañ ar predoù ha kemer perzh en holl obererezhioù ar vuhez pemdeziek (prientiñ, staliañ, skaotañ, naetaat, renkañ...) ambrouget gant ar vuhezourien.

Beilhadegoù a vo kinniget bep noz en dachenn-gampiñ hag el lise evit kas un tañva eus ar vuhez emrenadur a-stroll gant ar vugale, krouiñ ha kemer plijadur asambles.

3. Mont da gayakiñ

Mont a raio ar vugale 10/15 bloaz a fell dezhe d'ober kayak ar bloaz-mañ c'hoazh e kichen al lise, d'an Dourduff. Evit doujañ ouzh ar reolennoù surentez e c'houlennomp ganeoc'h kas deomp an abretañ ar gwellañ un testenniñ eo ho pugel en e.he aes en dour. Seurt paper a c'haller kaout digoust er poull-neuial. Ma n'emañ ket ar paper-se ganeomp ne vo ket posupl d'ho pugel mont war gayak. Testeni warlene a zo mat neuze n'eus nemet 3 bugel n'o deus ket evit poent. Ar goulenn a zo bet kaset dezhe.

Ur skipailh buhezourien a chomo er greizenn e-keit ma vo unan all o vont d'ober kayak.

➤ DIZOLOIÑ BRO MONTROULEZ/ *Découverte du pays de Morlaix*

Ar re 6/9 a yelo d'ar C'hastell an Tarv dre vag.

Kinniget vo d'an holl bugale da zizoleiñ diskouezadegoù er Mirdi Ar Manu hag ur bourmenadenn tro an dour hag an natur.

Awen Poulgoum a ginnigo ar bloaz mañ c'hoazh, prantadoù kontadennoù evit ar re yaouankañ.

Peurrest ar program a vo kinniget d'ar Sul da 6e30 GM.

Mersi bras deoc'h ha ken ar c'hentañ e Montroulez,
A wir galon,

Laetitia Garcia, Anouk Bergot, Azenor Choplin, Rozmai Labbay ha Kaourintin Choplin

Renerez hag ar skipailh buheziñ.

Niverennoù pellgomz : 06.23.97.94.72 (Laetitia renerez ar Greizenn dudi)

06 45 53 68 42 (Silvi, kenurzhierz a youl vat ar greizenn dudi)

kenkaz ma vez un darvoud mallus

TRON̄SAD aliet

Pep tra gant anv ar bugel mar plij !

Kasketenn pe tog	1
K way	1
Mantell	1
Baskets	1
Sandalennoù	1
Stammennoù	4
Brageier	4
Brageier-berr	2
Tee-shirtoù	6
Tee-shirtoù hir	2
Brageier-bihan	8
Re-loeroù	8
Pijama	2
Serviedenn	2
Sac'h evit an dilhad lous	1
Peadra d'en em walc'hiñ	1
Broust-dent / Toaz dent	1
Sac'h-kousket tomm	1
Lamp godell	1
Sac'h kein	1
Palenn leur pe matarasenn	1
Koaven heol	1
Lunedoù heol	1
Goulourdrenn	1

Dafar evit an dachenn kamping & kayak

Botoù kozh pe botoù sport	1
Botoù-serret da vont en dour	1 RET EO BEZAÑ SERRET EVIT AR C'HAYAK
K-way	1
Bragez kozh pe bragez sport	1
Stammenn domm	1
Dilhad kouronkañ	1
Telternn	1
Palenn leur pe matarasenn	1
Koaven heol	1
Tog pe kasketenn	1

**N'eus ket afer deus c'hoarioù video, pellgomzer-hezoug, madigoù pe boued all. Laoñkit tout se
er ger.**